

## **TIRE TE PŌLU U ROMUGIBU KUA**

Pōlu u tire te Romugibu yoruawa saa Korintin di sanam me u sōru mō u ka da Romu mi, u Yesun yigberu dam kē. Domi u kī u sambahuru ko Romun Yesun yigberugibun suunu sōo saa fiiko kpa bu nūn somi u ka da Esipanin temō.

Pōlu u sōsimō win tire te sōo ye ya sāa naane dokebu ka nge me naane doke bi, bu ra tōnun wāaru kōsi. Tire ten gari mero ya sāawa naane dokebu bu ra de tōnu u faaba wa, n n mō wooda n nenubu. Handuniagibu kpurowa ta gari yi sōomō. Domi Gusunōn mi, goo kun goo.

### *Tire ten kpunaa*

1. Tire ten gari mero, wiru 1:1-17.
2. Tōmbu kpurowa ba tore, wiru 1:18n di sere wiru 3:20.
3. Swaa ye Gusunō u ra ka tōmbu faaba ko, wiru 3:21n di sere wiru 4:25.
4. Wāa kpaaru Kirisi sōo, wiru 5n di sere wiru 8.
5. Gusunōn himba Isireliban sō, wiru 9n di sere wiru 11.
6. Nge me naane dokeo u koo win wāaru diisina, wiru 12n di sere wiru 15:13.
7. Tōbiribu, wiru 15:14n di sere wiru 16:27.

### *Tōbiribu*

<sup>1</sup> Nēna Pōlu, Kirisi Yesun yoo, ne wi Gusunō u soka n ka ko win goro ma u man wuna nenem n ka win Labaari gean waasu ko.

<sup>2</sup> Labaari gea ye, Gusunɔ u raa yen nɔɔ mweɛru kua yellun di saa win sɔmɔbun min di, ma ba ye yorua win garin tireru sɔɔ.

<sup>3</sup> Win Biiwa ya ka yā, Yesu Kirisi beɛɛn Yinni wi ba mara nge tɔnu Dafidi sina bokon bweseru sɔɔ.

<sup>4</sup> Adama Hunde Dɛɛro u sɔɔsi ka dam ma Gusunɔn Biiwa u sãa sanam mɛ u seewa gɔrin di.

<sup>5</sup> Wiya man durom wē ma u man gɔra bwesenu kpuron mi win yĩsirun sɔ, bwese ni, nu ka nùn naanɛ doke kpa nu nùn mɛm nɔɔwa.

<sup>6</sup> Bɛɛ Romugibu, bɛɛ be Yesu Kirisi u soka, i maa wãa be sɔɔ.

<sup>7</sup> Na bɛɛ kpuro tire teni yoruammɛ bɛɛ be i wãa Romuɔ, bɛɛ be Gusunɔ u kī ma u bɛɛ soka i ka ko wigibu. Gusunɔ, beɛɛn Baaba ka Yinni Yesu Kirisi bu bɛɛ durom ka alafia kē.

*Pɔlu u kī u naanɛ dokeobu beram da Romuɔ*

<sup>8</sup> Gbiikaa na Gusunɔ nen Yinni siaramɔ Yesu Kirisin min di bɛɛ kpuron sɔ yèn sɔ ba bɛɛn naanɛ dokebun gari mɔ handunia kpuro sɔɔ.

<sup>9</sup> Gusunɔ wi na sãamɔ ka nen gɔru kpuro na ka win Biin Labaari gea kparamɔ, wiya sãa nen seeda ma na ra n bɛɛn gari mɔ kpeetim sari

<sup>10</sup> nen kanaru sɔɔ. Na ra n bikiamɔ, Gusunɔ ù n kī u den man swaa kē tē, n ka na bɛɛn mi.

<sup>11</sup> Domi na gɔru doke gem gem n bɛɛ wa n ka bɛɛ hunden kēru garu kē kpa i ka tãsi.

<sup>12</sup> Kpa sa n dam kēenamɔ beɛɛn naanɛ dokebu sɔɔ nɛ ka bɛɛ sanam mɛ ko na n wãa bɛɛn mi.

<sup>13</sup> Negibu, na kī i n yē ma na gɔru doke nɔn dabiru n ka na n bɛɛ wa kpa nen sɔmburu tu binu ma bɛɛn suunu sɔɔ, nge mɛ ta mara tɔn tukobu gabun mi, adama sere ka gisɔ na n fɛɛ wa.

14 Na waasun dibu neni wuu marosugibun mi ka maa baru kpaanugibun mi, yērugibun mi ka maa yēru sarirugibun mi.

15 Yen sōna na kī gem gem n maa bεε Labaari gea nōōsia bεε be i wāa Romu.

### *Labaari gean dam*

16 Domi na n Labaari gean sekuru m̀. Gusunɔn dama mε mu ra baawure faaba ko wi u naane doke, gbiikaa Yuuba, yen biru tɔn tukobu.

17 Labaari gea ye, ya sōsimɔ nge mε Gusunɔ u ra tɔnu gem wē. Gem mɛn torubu ka mɛn nɔru, naane dokeba. Nge mε ba yorua, “Wi u kua gemgii naane dokebu sɔɔ, u ko n wāawa.”

### *Tɔmbun taare*

18 Ka geema, Gusunɔ u win mɔru sōsimɔ saa wallun di kōsa kpuron sɔ ye tɔmba kua, ka win bεεε yēru sariru. Ben kom kōsum mɛn saabu ba ǹ dere gem mu sɔmburu ko.

19 Gusunɔ u mɔru m̀ domi ye ya weene tɔnu u tubu Gusunɔ sɔɔ ya bu burura. Gusunɔ win tiiwa u bu ye sōsi kpasasa.

20 Ka gem, u ǹ waarɔ ka nɔni, adama saa tem toren di u tii sōsi ma u sāa Gusunɔ, u maa win sinaru sōsi win sɔma ye u kua sɔɔ. N n mɛn na, ba ǹ gafara wasi.

21 Ba Gusunɔ yē adama ba ǹ ǹn win sinandun bεεε wē bu sere ǹn siara. Ma ben wira gu ma yam wōkura yiba ben gōru bwisi sarirugisu sɔɔ.

22 Ba gerumɔ ba bwisi mɔ adama ba sāawa gari bakasu.

<sup>23</sup> Ma ba Gusunə wi u ku ra gbin yiiko kəsina ka bwāarokunu ni nu ka tənu weene wi u ra gbi, ka gunəsu, ka yee yi yi ra sī, ka yi yi ra kabiri.

<sup>24</sup> Yen sōna Gusunə u bu daa disinugia sure ben tii tiine səə nge me ben gōru ga kī, kpa ben wasi yi ka ko beere sarirugii.

<sup>25</sup> Ba Gusunən gem ka weesu kəsina. Taka koorā ba sāwa ma ba yen wāaru wāa, n n̄ m̄o taka kowon tii wi n weene bu siara ka baadommaə. Ami.

<sup>26</sup> Yen sōna Gusunə u bu kəde beere sarirugia kpē. Ben tən kurəbu ba kō mēnnabu yina ka tən durəbu ma ba kookoo si su n̄ dende kəsire kua.

<sup>27</sup> Meya maa tən durəbu ba kō mēnnabu yina ka tən kurəbu, ma ben kīrun kəde banda ben tii tiine səə. Ba sekuru sariru m̄, tən durə ka tən durə, ma ba are mwaamə ben tii səə yi yi ka ben toraru n̄.

<sup>28</sup> Gusunə u bu deri ben bwisiku kōsunu səə bu ka ko ye n kun weene yèn s̄o ba n̄ wure bu n̄n̄ gia.

<sup>29</sup> Ma ba kōsa baayere yiba ka nuku kōsuru ka bin̄e ka tusiru ka nisinu ka tən goobu ka sannə ka taki ka bwisi kōsi. Ba ra wīine,

<sup>30</sup> ba ra tənu yaa kasiki, ba Gusunə tusa, ba ra tii wa, ba yēkə m̄, ba ra woo kan̄e, ba kōsan kobun bwisi m̄, ba n̄ ben tundobu ka ben m̄erobu beere w̄ēem̄.

<sup>31</sup> Ba n̄ bwisi m̄, ba n̄ naane m̄, ba n̄ kīru m̄, ba n̄ maa wən̄wəndu m̄.

<sup>32</sup> Ba yē ma Gusunən wooda ya gerumə ma be ba yenin bweseru m̄, gəəwa ben kəkər̄. Ka me, ba ra ko. N n̄ m̄ me təna, ba maa gabu siaramə be ba m̄ me.

## 2

### *Gusunən siribu*

<sup>1</sup> N n mɛn na, wunɛ wi a gabun taarɛ waamɔ, a n̄ gafara wasi baa à n weren na, domi sanam mɛ a gabun taarɛ waamɔ ma a maa m̄ nge be, a tii taarɛ wɛɛmɔwa.

<sup>2</sup> Sa yɛ ma Gusunɔ u gem mɔ ù n bu taarɛ wɛɛmɔ be ba mɛn bweseru m̄.

<sup>3</sup> N n mɛn na, a tamaa kaa yari Gusunɔn siribun di wunɛ wi a gabun taarɛ waamɔ ma a m̄ nge be?

<sup>4</sup> Nge a win tɔn geeru ka win tɛmanabu ka win suurun kp̄āru gemawa? A n̄ yɛ ma Gusunɔ u tɔn geeru m̄wa u ka nun ḡru ḡsiasia?

<sup>5</sup> Adama yèn s̄ wunen ḡru ga b̄abu ga degangam yiba, a wunen tii m̄ru mennammɛwa Gusunɔn m̄run t̄run s̄ t̄ s̄ u koo t̄mbu siri dee dee

<sup>6</sup> u ka baawure k̄sia nge mɛ win kookoosu s̄a.

<sup>7</sup> Be ba gea m̄ ka tɛmanabu ba ka yiiko ka b̄ɛɛɛ ka w̄aru kasu, beya Gusunɔ u koo w̄aru te ta ku ra kpe w̄.

<sup>8</sup> Adama be ba ben tiin ḡru k̄ru m̄, ma ba ku ra gem m̄m n̄wɛ ma n kun m̄ k̄sa, beya ba koo m̄ru ka nuku ḡbisibu wa.

<sup>9</sup> T̄nu baawure wi u ra k̄sa ko u koo t̄ya ka n̄ni sw̄aru wa, ḡbiikaa Yuuba, yen biru t̄n tukobu.

<sup>10</sup> Baawure wi u ra maa gea ko u koo yiiko ka b̄ɛɛɛ ka b̄ri yendu wa, ḡbiikaa Yuuba, yen biru t̄n tukobu.

<sup>11</sup> Domi Gusunɔn mi, goo kun goo.

<sup>12</sup> Be ba tora, ba koo kam ko ba kun bu siri ka wooda. Be ba maa wooda yɛ ma ba tora, wooda yera ba koo ka bu siri.

<sup>13</sup> Domi n n̄ m̄ be ba woodan garibu swaa daki beya ba gem m̄ Gusunɔn wuswaa, ma n kun m̄

be ba m̀ ye wooda ya yiirem̀.

14 T̀n tukobu ba n̄ M̀wisin wooda m̀, adama sanam m̀ ba m̀ ka tii ye wooda ya gerum̀, ba s̀sim̀ ma ba ȳ ye n weenε bu ko, baa b̀ kun M̀wisin wooda m̀.

15 Ben daa ya s̀sim̀ ma woodan kookoosu su yorua ben ḡrusu s̀. Ben ḡru ga maa yen seeda dim̀, domi ben bwisikunu nu bu ben toranu s̀sim̀, n̄ kun m̀, nu ka bu yinam̀.

16 M̀ya n ko n s̄a t̄o te Gusuǹ u koo t̄mbun bwisiku asiriginu kpuro siri Kirisi Yesun min di, nge m̀ n̄n Labaari gea ya gerum̀.

### *Yuuba ka wooda*

17 Wunε maa ni. A tii sokum̀ Yuu, a wooda naanε s̄a, a woo kanam̀ wunε ka Gusuǹn w̄asinaan s̄.

18 A ȳ ye Gusuǹ u k̄ a ko, ma a ḡa geenun wunanabu gia wooda s̀.

19 A ȳiȳ ma kaa kp̄ a w̄kobu swaa gbiiya, kpa a t̄mbu yam d̄erasia be ba w̄a w̄kuru s̀.

20 A tamaa ma kaa kp̄ a bwisi sarirugibu bwisi k̄, kpa a bibu keu s̀si. A ȳ ma a ȳru ka gem nuuru m̀ wooda s̀.

21 Wunε wi a gabu keu s̀sim̀, mban s̄na a n̄ tii s̀sim̀. Wunε wi a gabu s̄m̀ bu ku gb̄ni, mban s̄na a gb̄nim̀.

22 Wunε wi a gerum̀ bu ku sakararu ko, mban s̄na a m̀. Wunε wi a b̄nu tusa, mban s̄na a gb̄nim̀ nin diǹ.

23 Wunε wi a woo kanam̀ woodan s̄, mban s̄na a Gusuǹ funε wunam̀ ka woodan sarabu.

24 Domi Gusuǹn gari s̀ ba yorua ba n̄ε, “B̄en saabuwa t̀n tukobu ba Gusuǹn ȳsiru gari kam gerusim̀.”

25 À n wooda swĩi bango ya arufaani mɔ ka gem, adama à n wooda saramɔ wunen bango ya sãa kam.

26 N n men na, tɔn tuko wi ba n bango kue, ù n woodan gari mem nɔɔwa, Gusunɔ u n nùn mɛɛra bangogii?

27 Tɔn tuko wi u wooda mem nɔɔwa baa mɛ ba n nùn bango kue u koo bɛɛ Yuuba taare wɛ, domi i wooda saramɔ baa mɛ i ye mɔ ma ba bɛɛ bango kua.

28 N n mɔ wi u sãa Yuu wasi sɔɔ, wiya u sãa Yuu ka gem.

29 Adama wi u sãa Yuu ka gem, wiya wi u sãa Yuu win gɔruɔ. Domi bango ya n sãa ye ba kua wasi sɔɔ. Ye ya sãa bango ka gem, yera gɔru gɔsiabu. Hunde Dɛeron sɔmbura, n n mɔ woodagiru. Gusunɔwa koo Yuu wi siara, n n mɔ tɔmbu.

### 3

1 Tɛ, arufaani yerà Yuu u mɔ. Nge are yirà bango ya mɔ.

2 N arufaani baka mɔ swɛɛ kpuro sɔɔ. Gbiikaa Gusunɔ u win gere Yuuba nɔmu sɔndia.

3 Mba ya koo ko ben gabu bà n kua naane sarirugibu. Ben naane sarirun sɔ Gusunɔ u koo maa ko naane sarirugii?

4 Aawo, n n mɛ. Baa bà n tɔnu baawure soka weesugii, ba n yɛ ma Gusunɔ sãawa geegii. Nge mɛ Gusunɔn gari gerumɔ,

“Ba koo nun gem wɛwa wunen gari gerubu sɔɔ kpa a siribu di.”

5 Adama kɔsa ye sa mɔ yà n sɔɔsimɔ ma Gusunɔ sãa gemgii, mba sa ko gere. Gusunɔ ù n tɔnu sɛɛyasiamɔ, u sãa gem sarirugii? Aawo, na gari gerumɔ ka tɔndun baa.

<sup>6</sup> Domi Gusunɔ̀ ù kun sãa gemgii, amɔ̀na u koo ka handunia siri.

<sup>7</sup> Adama nen weesu sù n Gusunɔ̀n gem sɔ̀simɔ̀ kpasasa, win yiiko yu ka sosi, mban sɔ̀na ba koo kparam man taare wɛ̀ nge toro.

<sup>8</sup> Mban sɔ̀na sa ñ ko nɛɛ, su kɔ̀sa ko kpa yu gea ma. Gabu bu ka wa bu nen yĩsiru sanku ba nɛɛ, mɛya na gerumɔ̀. Tɔ̀n be, ba koo taare wa nge mɛ n weenɛ.

*Goo sari wi u sãa gemgii*

<sup>9</sup> N n mɛn na, bɛsɛ Yuuba sa gabu sanɔ̀ kerewa? Aawo, baa fiiko. Domi sa sɔ̀si kɔ̀ ma bɛsɛ Yuuba ka tɔ̀n tukobu bɛsɛ kpuro sa wãawa torarun dam nɔ̀mɔ̀.

<sup>10</sup> Nge mɛ ba yorua,  
“Gemgii sari, baa turo.

<sup>11</sup> Goo sari wi u bwisi mɔ̀.  
Goo sari wi u Gusunɔ̀ kasu.

<sup>12</sup> Be kpurowa ba kɔ̀are.

Be kpurowa ba sankire.

Be kpurowa ba kɔ̀sa mɔ̀.

Baa ben turo kun gea mɔ̀.

<sup>13</sup> Ben yara ba ka sibu taki dimɔ̀.

Ben nɔ̀ ga dɛɛ mɔ̀wa nge surɔ̀kɔ̀ru.

Ben nɔ̀wa ba ra ka tɔ̀nu go.

<sup>14</sup> Ben nɔ̀ ga bɔ̀ri yiba, ka gari yi yi sosu.

<sup>15</sup> Ben naasu su sãu su ka tɔ̀nun yem yari.

<sup>16</sup> Kpeerabu ka nuku sankirana nu ra n wãa ben swaa sɔ̀.

<sup>17</sup> Ba ñ alafian swaa yɛ̀.

<sup>18</sup> Ba ñ Gusunɔ̀ nasie.”

<sup>19</sup> Tɛ̀ sa yɛ̀ ma kpuro ye wooda ya gerumɔ̀, ya ye gerumɔ̀wa be ba wãa yen nɔ̀muɔ̀n sɔ̀, kpa nɔ̀



baagere gu ka mari, kpa baawure u win daa tusia Gusunɔn wuswaaɔ.

<sup>20</sup> Domi goo sari wi u koo gem wa Gusunɔn wuswaaɔ wooda nɛnubun sɔ, yɛn sɔ wooda ya ra tɔnun toraru sɔɔsi.

### *Nge mɛ Gusunɔ*

#### *u ra tɔnu gem wɛ*

<sup>21</sup> Adama tɛ Gusunɔ u sɔɔsi nge mɛ u ra tɔnu gem wɛ, n n̄ mɔ ka woodan gari. Mɔwisin wooda ka Gusunɔn sɔmɔbu ba yen seeda di.

<sup>22</sup> Kpuro be ba Yesu Kirisi naanɛ doke, Gusunɔ u bu gem wɛɛmɔ ben naanɛ dokebun sɔ, domi goo kun goo.

<sup>23</sup> Tɔmbu kpurowa ba tora ma ba Gusunɔn yiiko bia.

<sup>24</sup> Adama Gusunɔ u bu gem wɛɛmɔ n kun ka kɔsiaru win durom sɔ saa Yesu Kirisin min di wi u bu yakiamɔ.

<sup>25</sup> Gusunɔ u n̄n̄n̄ kua abɔru batuma sɔɔ u ka tɔmbu toranun suuru waawa ka win yem be ba n̄n̄n̄ naanɛ doke. Gusunɔ u kua mɛ, u ka sɔɔsi ma u s̄aa gemgii. Yellu win suurun saa sɔɔ u raa temana ka tɔmbun toranu.

<sup>26</sup> Adama tɛ, saa yeni sɔɔ u k̄i u sɔɔsi ma u s̄aa gemgii ma u maa bu gem wɛɛmɔ be ba Yesu naanɛ doke.

<sup>27</sup> N n̄ mɛn na, mba tɔnu u koo ka woo kana. Sari. Mban s̄ɔna. Woodan mɛm nɔɔbun sɔ? Aawo. Naanɛ dokebun s̄ɔna.

<sup>28</sup> Domi sa wa ma tɔnu koo gem wa Gusunɔn wuswaaɔ ka naanɛ dokebu tɔna, n n̄ mɔ ka woodan mɛm nɔɔbu.

<sup>29</sup> Gusunɔ u s̄aawa Yuuba tɔnan Yinni? U n̄ maa s̄aa tɔn tukobugii? U maa s̄aa tɔn tukobugii mɛ.

30 Domi Gusunə turowa wãa. Wiya u koo bangogibu gem wë ben naane dokebun sã ka maa bango sarirugibun tii ben naane dokebun sã.

31 Sa wooda goomə ka naane dokebu nge me? Aawo, sa mam yen dam sireməwa.

## 4

### *Aburahamun gari*

1 N n men na, mba sa ko gere Aburhamu besen sikadon sã. Mba u noma tura.

2 Meya bà n Aburhamu gem wë ye u kuan sã u koo kpĩ u woo kana, adama n ñ mə Gusunən wuswaaə.

3 Domi mba ba yorua Gusunən gari səə. Ba nee, “Aburhamu u Gusunə naane kua, yen sōna u nùn garisi gemgii.”

4 Të, goo ù n səmburu kua, ba ku ra win kəsiaru garisi durom, win areya.

5 Adama baa ù kun səmburu kue, ma u gesi Gusunə naane doke, Gusunə u koo win naane dokebu garisiwa gem. Domi wiya u koo kpĩ u taaregii gem wë.

6 Nge meya Dafidi u yeron doo nəərun gari mə wi Gusunə u gem wëemə n kun ka səman baa.

7 U nee,  
“Doo nəərugiiwa wìn toranu ba suuru kua,  
ma ba win kōsa go.

8 Doo nəərugiiwa wìn kōsa Yinni Gusunə kun garisi.”

9 Të, doo nəə te, bangogibugira? Nge ka maa bango sarirugibu. Domi sa gerumə ma ba Aburhamu garisi gemgii win naane dokebun sã.

10 Amɔna u sãa sanam mɛ. U bango kua? Nge u n̄ kue. U n̄ sanam mɛ gina bango kue. U sãawa bango sarirugii.

11 Yen biruwa ba n̄n bango kua ye ya sãa yĩreru ma Gusunɔ u n̄n gem wẽ. Ba n̄n gem mɛ wẽ naanɛ dokebun s̄o sanam mɛ u n̄ gina bango kue. Nge mɛya u ka kua bango sarirugibu kpuron baaba be ba naanɛ doke, ma ba bu gem wẽ.

12 Ma u maa sãa bangogibun baaba be n̄ n̄ m̄o bango t̄ona ba m̄o, adama ba maa win naanɛ dokebun yira swĩ, bi u m̄o sanam mɛ u n̄ gina bango kue.

*Ba ra n̄o mwɛru wure ka naanɛ dokebu*

13 Ba Aburhamu ka win bweseru n̄o mwɛru kua ma ba koo handunia gira tubi di. Ba n̄ n̄n n̄o mwɛɛ te kue ka woodan baa, ma n̄ kun m̄o yèn s̄o u gem wa naanɛ dokebun s̄o.

14 N n̄ sãan na be ba wooda m̄em n̄o wa beya ba koo ko tubi diobu, naanɛ dokebu kua kam, n̄o mwɛɛ te, ta maa t̄ɛsira.

15 Domi woodawa ya ka Gusunɔn m̄oru naam̄o. Adama mi wooda sari, wooda sarabu maa sari.

16 Yen s̄o, ka naanɛ dokebun baawa ba koo n̄o mwɛɛ te wura tu ka ko durom, kpa Aburhamun bweseru kpuro tu ka kpĩ tu tu wura. N n̄ m̄o be ba wooda m̄o t̄ona adama ka maa be ba naanɛ dokewa nge Aburhamu wi u sãa besɛ kpuron baaba.

17 Nge mɛ Gusunɔn gari gerum̄o, “Na nun kua bwese dabinun baaba.” U sãa besɛn baaba, Gusunɔ wi u naanɛ doken wuswaaɔ. Gusunɔ wiya u ra ḡribu seeye, u ra maa taka ko ye ya n̄ daa wãa.

18 Aburhamu u Gusunɔ naanɛ doke ka yĩȳobu, baa mɛ u n̄ ka yen swaa wa ye u yĩiȳo. Yen s̄ona u

kua “bwese dabinun baaba” nge me Gusunɔ u raa gerua u neɛ, “nge meya wunen bwesera koo dabia.”

<sup>19</sup> Saa ye, u wɔɔ wunɔbun (100) saka tura adama win naane dokebu kun kaare sanam me u win wasi laakari kua yi yi saare yi gu, ka maa Saaraan nukuru te ta n waa tu bii ma.

<sup>20</sup> U n naane dokebu deri, u n maa Gusunɔn nɔɔ mweɛ te sika koosi. Adama win naane dokebu nɔn dam wɛ, ma u Gusunɔ beɛɛ wɛ.

<sup>21</sup> Domi u ye kam kam ma Gusunɔ u dam mɔ u ka ko yɛn nɔɔ mweɛru u kua.

<sup>22</sup> Yen sɔna win naane dokebun saabu Gusunɔ u nɔn garisi gemgii.

<sup>23</sup> Adama ye ba yorua ba neɛ, “ba nɔn garisi gemgii,” ba n yi yorua wi turon sɔ.

<sup>24</sup> Ba maa yi yoruawa besɛn sɔ, beɛ be ba koo maa garisi gemgibu, beɛ be sa Gusunɔ naane doke wi u besɛn Yinni Yesu seeya gɔrin di.

<sup>25</sup> U dera ba nɔn go besɛn toranun sɔ, u maa nɔn seeya u ka sun ko gemgibu.

## 5

### *Nɔɔsinaa ka Gusunɔ*

<sup>1</sup> Tɛ ye Gusunɔ u sun gem wɛ naane dokebun sɔ, sa dɔra ka wi, saa Yesu Kirisi besɛn Yinnin min di.

<sup>2</sup> Win min diya naane dokebun saabu sa durom me wa mɛ sɔɔ sa yɔ dim dim, ma sa nuku dobu mɔ yɛn sɔ sa yiyo sa ko bɔnu wa Gusunɔn yiiko sɔɔ.

<sup>3</sup> N n me tɔna, sa maa nuku dobu mɔ besɛn nɔni swaaruu sɔɔ, domi sa ye ma nɔni swaaruu ta ra temanabu ma.

<sup>4</sup> Temanabu bu ra de tɔnu u laakari meɛribu kamia, kpa u n yiyoɔbu mɔ.

<sup>5</sup> Tɛ̃, yĩiyɔ bi, bu ku ra sun dukiri kue, domi Gusunɔ u win kĩru yibia bɛsɛn gɔ̃ruɔ saa Hunde Dɛeron min di wi u sun kã.

<sup>6</sup> Sanam mɛ sa ñ gina dam mɔ, saa ye Gusunɔ u yi, Kirisi u gu be ba ñ Gusunɔn bɛɛɛ yɛn sɔ̃.

<sup>7</sup> Geema n sɛ̃ tɔnu u ka geegii gbiiya. Sɔrɔkudo wɔrugɔ goo koo gbi gean kowo goon sɔ̃.

<sup>8</sup> Adama Gusunɔ u sun win kĩrun kpãaru sɔ̃si, ye u dera Kirisi u gu bɛsɛn sɔ̃ sanam mɛ sa sãa torobu.

<sup>9</sup> Tɛ̃, win yem sɔ̃na sa kua gemgibu. N n mɛn na, sika sari u koo maa sun faaba ko Gusunɔn mɔrun di.

<sup>10</sup> Sanam mɛ sa sãa Gusunɔn yiberɛba, u ka sun dora win Biin gɔ̃n sɔ̃. N n mɛn na tɛ̃, ye u ka sun dora u kpa, sika sari u koo maa sun faaba ko ka Bii win wãaru.

<sup>11</sup> N ñ mɛ tɔna, sa maa nuku dobu mɔ Gusunɔ sɔ̃ saa bɛsɛn Yinni Yesu Kirisin min di wi u dera sa dora ka Gusunɔ.

### *Adamu ka Kirisi*

<sup>12</sup> Toraru ta dua handunia sɔ̃ saa tɔn tɔron min di, ma win tora te, ta ka gɔ̃ na. Gɔ̃ wi, u tɔmbu kpuro girari domi kpurowa ba tora.

<sup>13</sup> Geema toraru ta wãa handunia sɔ̃ wooda ya sere na, adama ba ku ra toraru garisi toraru mi wooda sari.

<sup>14</sup> Ka mɛ, saa Adamun waatin di sere ka Mɔwisigia, gɔ̃ u bandu dii tɔmbu kpuron suunu sɔ̃, ka mam be ba ñ Gusunɔ mɛm nɔ̃wɛ nge mɛ Adamu u kua.

Adamu u sãawa wi u koo ra nan weenasii.

<sup>15</sup> Adama durom mɛ, mu kpã n tora te kere. Geema tɔn dabiru ta gu tɔn turo win torarun sɔ̃, adama Gusunɔn durom mu kere. Durom mɛn kɛru

ta maa kere te u tən dabiru kã saa Yesu Kirisi turo win min di.

<sup>16</sup> Gusunən kēru ka tən turon tora te, ya wunanε. Gbiikaa, siribu na tən turon torarun sō, ma bin kəkərɔ kua taare wēebu. Adama durom maa na tən dabinun toranun sō, ma mən kəkərɔ kua gem wēebu.

<sup>17</sup> Geema, tən turon torarun sōna gɔɔ u bandu di. N n mən na, sika sari be ba Gusunən durom bakam mwa ka win gem kēru, ba koo maa bandu di wāaru sɔɔ tən turon min di. Wiya Kirisi.

<sup>18</sup> N n mən na, nge mε tən turon toraru ta tambu kpuro taare wē, mɛya tən turon gean kobu bu tambu kpuro gem wēemɔ bu ka wāaru wa.

<sup>19</sup> Nge mε tən turon mēm nɔɔbu sarirun sō tən dabiru ba kua torobu, nge mɛya maa Gusunɔ u koo tən dabiru gem wē tən turon mēm nɔɔbun sō.

<sup>20</sup> Wooda ya dua kpa toraru tu ka sosi, adama mi torara sosi, miya Gusunən durom mu maa sosi mu banda.

<sup>21</sup> Nge mε torara bandu di ma ta ka gɔɔ na, mɛya maa Gusunən durom mu bandu dii gem sō mu ka sun wāaru wē te ta ku ra kpe saa bεsɛn Yinni Yesu Kirisin min di.

## 6

*Sa kua gonu torarun wuswaaɔ,*

*adama wasobu Kirisi sɔɔ*

<sup>1</sup> N n mən na, mba sa ko gere. Sa ko n da n toramɔwa durom mu ka sosi?

<sup>2</sup> Aawo, n n mε. Bεsɛ bè sɔɔ torara kun maa dam mɔ, amɔna sa ko n maa ka wāa ten dam nɔmuɔ.

<sup>3</sup> I ñ yeni yē? Sanam me ba sun batemu kua su ka gbinna ka Yesu Kirisi, win gəə səəra sa ka nùn gbinna.

<sup>4</sup> Batemu ye səə, ba sun sika ka wi sannu, ma sa win gəə bənu kua, kpa nge me Kirisi u seewa gərin di ka Baaban yiiko, beɛ maa sa n sīimə ka wāa kpaaru.

<sup>5</sup> Domi sà n gbinna ka wi sanam me sa win gəə bənu kua, sika sari sa ko maa win seebu gərin di bənu ko kpa su gbinna ka wi.

<sup>6</sup> Sa yē ma ba beɛn daa gura kpare dāa bunanaru səə ka wi sannu, kpa beɛn wasi torarugii yi ko dam sarirugii kpa sa kun maa sāa torarun yobu.

<sup>7</sup> Domi wi u gu u yaklara torarun nəman di.

<sup>8</sup> Tē, nge me sa gu ka Kirisi sannu, sa maa naane sāa ma sa ko maa wāaru di ka wi sannu.

<sup>9</sup> Domi sa yē ma Kirisi u seewa saa gərin di u ñ maa gbimə, gəə kun maa dam mə wi səə.

<sup>10</sup> Domi gəə wi u gu min sō, torara kun maa dam mə win wəllə, adama wāa te u dimə tē, u tu diməwa Gusunən wuswaaə.

<sup>11</sup> Meya maa beɛn tii i tii garisio gonu torarun wuswaaə, kpa i n sāa wasobu Gusunən wuswaaə Kirisi Yesu səə.

<sup>12</sup> N n men na, i ku maa de toraru ta n bandu dii beɛn wasi yi yi koo gbi səə. I ku yin binε mem nəəwa.

<sup>13</sup> I ku ra beɛn wasin doo dooka toraru nəmu səndia tu ka kəsa ko, adama i beɛn tii Gusunə nəmu səndio nge wasobu be ba wurama gərin di, kpa i beɛn wasin doo dooka Gusunə nəmu səndia yu ka gea ko.

<sup>14</sup> Toraru ta ñ ko n yiiko mə beɛ səə, domi i ñ wāa woodan nəma səə ma n kun mə durom nəmaaə.

### *Gem yobu*

<sup>15</sup> N n mɛn na, amɔna sa ko ko. Sa ko n toramɔ yèn sɔ sa wãa durom nɔma sɔɔ, n n mɔ woodan nɔma sɔɔ? Aawo, n n mɛ.

<sup>16</sup> I yẽ sãa sãa ma i n tii goo nɔmu sɔndia nge yobu i ka nùn mɛm nɔɔwa, win yoba i sãa. N n torarun na, tera ta ka gɔɔ naamɔ. N n maa mɛm nɔɔbun na, biya bu ka gem wẽɛbu naamɔ.

<sup>17</sup> Adama su Gusunɔ siara, domi i raa sãa torarun yobu, adama tẽ i sɔɔsi te mɛm nɔɔwamme ka gõru tia te ba bɛɛ nɔmu sɔndia.

<sup>18</sup> Ye i maa yakiara torarun di i kpa, i kua gem yobu.

<sup>19</sup> Na gari mɔ nge tɔn diro yèn sɔ i sãa dam sarirugibu. Nge mɛ gasɔ i bɛɛn wasin doo dooka disinu ka kɔsa nɔmu sɔndia nge yobu i ka kɔsa ko, tẽ, i bɛɛn wasin doo dooka gem nɔmu sɔndio nge yobu kpa bɛɛn daa yu dɛɛra.

<sup>20</sup> Domi sanam mɛ i raa sãa torarun yobu, gem kun dam mɔ bɛɛ sɔɔ.

<sup>21</sup> Are yirà i raa wa yè sɔɔ sekura bɛɛ mɔ tẽ. Yen wii goberu maa gɔɔwa.

<sup>22</sup> Adama tẽ ye i yakiara torarun di i kua Gusunɔn yobu, bɛɛn are sãa daa dɛɛra, bɛɛn wii goberu ta maa sãa wãaru te ta ku ra kpe.

<sup>23</sup> Domi gɔɔwa torarun are, adama Gusunɔn kɛra wãaru te ta ku ra kpe Yesu Kiri si bɛɛn Yinnin min di.

## 7

*Ye suanabu sɔɔsimɔ*



<sup>1</sup> Be ba yē ye wooda ya sāa, beya na ka yā. Nēgibu, i n̄ yē ma mēn n̄o t̄nu u wāa wāaru s̄o u wāawa woodan n̄ma s̄o?

<sup>2</sup> Nge mēya t̄n kur̄o ka win dur̄o ba ko n wāasine woodan saabu sere dur̄o win wāarun n̄r̄o, adama win dur̄o ù n gu, u yakiara saa suanaan woodan dam di.

<sup>3</sup> Yen s̄o, sanam mē win dur̄o u wasi ma u dur̄o kp̄ao sua, ba koo n̄n sokuwa sakara, adama win dur̄o ù n gu, u yakiara woodan di. Sanam mē, ù n dur̄o kp̄ao sua u n̄ sāa sakara.

<sup>4</sup> Nge mēya maa bēē nēgibu, wooda ya n̄ maa dam m̄o bēēn w̄l̄l̄o, yēn s̄o i gu ka Kirisi sannu, kpa i ka ko googibu. Tē, i sāa wi ba seeya ḡrin digibu, kpa sa n̄ ka Gusun̄o binu maruammē.

<sup>5</sup> Domi sanam mē sa wāa bēēn tiin daan n̄ma s̄o, kankam k̄i torarugiru te wooda ya seeya ta s̄mburu m̄o bēēn wasin doo dooka s̄o ma ta ka sun d̄o ḡo gia.

<sup>6</sup> Adama tē, sa yakiara woodan di ye ya raa sun n̄eni nge d̄sobu domi ya n̄ maa dam m̄o bēēn w̄l̄l̄o. Nge mēya sa ko kp̄i su Gusun̄o s̄a ka bwisiku kpaanu ni nu wee Hunden di, n̄ n̄ maa m̄o ka bwisiku guru ni nu wee woodan di.

### *Wooda ka toraru*

<sup>7</sup> N n̄ mēn na, mba sa ko gere. Wooda ya sāa toraru? Aawo. Woodan saabuwa na mam toraru gia. Domi na n̄ daa bine ḡiam̄o wooda ȳa kun n̄ē, “I ku ra bine ko.”

<sup>8</sup> Ma toraru ta wooda t̄sa ta ka bine baayere mara n̄ē s̄o. Domi mi wooda kun wāa, toraru maa sari.

<sup>9</sup> Gas̄o, sanam mē wooda sari, na raa wāa, adama ye wooda ya na torara sewa

10 ma nen tii na gu. Nge meya wooda ye ya weene yu wāaru wē, yeya na deema ya ka man gōo naawa.

11 Domi toraru ta wooda tāsā ta ka man nōni wōkua, ma ta man go.

12 N n mēn na, wooda ya dēere, yen gari maa dēere, yi dēnde, yi maa wā.

13 N n mēn na, ye n gea sāa yera ya ka man gōo naawa? Aawo, torara ta man go kpa tu ka sōosi ma te torara. Domi ta gāa geenu denda ta ka man go kpa tu ka sēsia n banda saa woodan di.

### *Wi toraru ta taare*

14 Geema, sa yē ma wooda ya sāa Hundegia adama ne na sāawa wasigii wi ba toraru dōre.

15 Domi ye na ra n mō na ku ra tubu. Ye na kī na ku ra ye ko, adama ye na tusa yeya na ra ko.

16 Nā n da ko ye na kun kī na wura ma wooda ya wā.

17 Mēya n n maa mō nen tiiwa na mō ma n kun mō tora te ta man wāasi.

18 Na yē sāa sāa ma gāa geenu sari ne sōo, nen daawa na ka yā, domi baadomma gean kīra wāa ne sōo, adama yen koba na ku ra kpī.

19 Na n gea ye mō ye na kī mi, kōsa ye na tusa yeya na ra ko.

20 Adama nā n mō ye na kun kī, n n maa ne na mō. Tora te ta man wāasi, tera ta ye mō.

21 Wooda yeniwa na wa ne sōo. Sanam me na kī n gea ko, kōsa ya ra n man wāasi.

22 Na nuku dobu mō Gusunən wooda sōo nen gōruo,

23 adama nen wasin doo dooka sōo na wooda tuka waamō ye ya sannamō ka nen bwisikunu. Ma ya

man m̀ò tora ten d̄eso te ta w̄āa n̄en wasin doo dooka s̄əə.

<sup>24</sup> Ḡõru garin bar̄əwa n̄e! Wara koo man w̄əra wasi yinin n̄əman di, yi yi ka man ḡəə d̄əə.

<sup>25</sup> Na Gusun̄ə siara Yesu Kirisi b̄es̄en Yinnin saabu.

N n̄ m̄en na, na s̄āa Gusun̄ən woodan yoo n̄en bwisikunu s̄əə, adama n̄en daa s̄əə na s̄āawa torarun yoo.

## 8

### *W̄āa te Gusun̄ən Hunde*

#### *u w̄ēem̄ə*

<sup>1</sup> Yen s̄õ t̄ē, ba ñ bu taar̄e w̄ēem̄ə be ba gbinne ka Kirisi Yesu.

<sup>2</sup> Domi Gusun̄ən Hunden wooda ye ya w̄āaru w̄ēem̄ə Kirisi Yesu s̄əə ya sun yakia saa toraru ka ḡəən n̄əman di.

<sup>3</sup> Ye wooda kun kp̄ĩa ya kue ȳèn s̄õ t̄ənun daa ya yen dam kpeesia, Gusun̄ə u ye kua. U toraru taar̄e w̄ē te ta w̄āa t̄ənun daa s̄əə sanam m̄e u win tiin Bii ḡərima ka wasi yi yi ka t̄ənun wasi torarugii weene, u ka ko ab̄əru torarun s̄õ.

<sup>4</sup> U yeni kuawa kpa su ka gea ko ye wooda ya yiirem̄ə, b̄es̄e be sa s̄īm̄ə win Hunden dam s̄əə, n ñ m̄ə b̄es̄en daan dam s̄əə.

<sup>5</sup> Domi be ba s̄īm̄ə ben daan dam s̄əə, beya ba ben daagia bwisikum̄ə. Adama be ba s̄īm̄ə Gusun̄ən Hunden dam s̄əə, beya ba Hundegia bwisikum̄ə.

<sup>6</sup> À n̄ wunen daagia bwisikum̄ə, ḡəəwa yen k̄ək̄əɾ̄ə. À n̄ maa Hundegia bwisikum̄ə, w̄āaru ka alafiawa wunegia.

<sup>7</sup> Domi be ba ben daagia bwisikumɔ ba kua Gusunɔn yiberɛba. Ba n̄ Gusunɔn wooda mem nɔɔwammɛ, ba n̄ mam kpɛ̄.

<sup>8</sup> Be ba ben daan wāaru wāa, ya n̄ koorɔ bu Gusunɔ wɛre.

<sup>9</sup> Adama bɛɛ, i n̄ maa bɛɛn daan wāaru wāa ma n̄ kun mɔ Gusunɔn Hundegiru yɛn sɔ win Hunde u wāa bɛɛ sɔɔ. Wunɛ wi a kun Kirisin Hunde mɔ, a n̄ s̄a wigii.

<sup>10</sup> N n̄ mɛn na, Kirisin u n̄ wāa bɛɛ sɔɔ, baa bɛɛn wasi yì n̄ gu torarun s̄, bɛɛn hunde ya wasi yɛn s̄ i gem wa Gusunɔn mi.

<sup>11</sup> Gusunɔ wi u Yesu seeya gɔrin di, win Hundewa wāa bɛɛ sɔɔ. Yen s̄na wi u Yesu Kirisin seeya gɔrin di u koo maa bɛɛn wasi gɔgii wāaru wɛ saa win Hundɛn min di, wi u wāa bɛɛ sɔɔ.

<sup>12</sup> N n̄ mɛn na, nɛgibu, sa dibu nɛni, adama n̄ n̄ mɔ daagibu sa n̄ ka bɛɛn daan k̄ru mem nɔɔwammɛ.

<sup>13</sup> Domi i n̄ bɛɛn wasin k̄ru mɔ i ko gbi, adama i n̄ bɛɛn wasin k̄run kookoosu deri ka Hunde Dɛɛron somiru i ko n̄ wāa.

<sup>14</sup> Domi be Gusunɔn Hunde u kparamɔ, beya ba Gusunɔn bibu.

<sup>15</sup> Domi ba n̄ bɛɛ hunde k̄a ye ya koo bɛɛ ko yobu kpa i n̄ ka kparam nande. Adama ba bɛɛ Hunde k̄awa wi u bɛɛ kua Gusunɔn bibu, ma ka win dam sa Gusunɔ sokumɔ Baaba.

<sup>16</sup> Gusunɔn Hundɛn tii u bɛɛn hunde s̄ɔmɔ ma sa s̄a win bibu.

<sup>17</sup> Tɛ̄ yɛn s̄ sa s̄a win bibu sa maa s̄a tubi diobu, ma sa ko win tubi bɔnu ko ka Kirisin sannu, domi s̄a n̄ Kirisin n̄ni swāaru bɔnu kua, sa ko maa win yiiko bɔnu ko.

*Yiiko ye ya sisi*

18 Na ñ saa yenin nɔni swāaru garisi gāanu yiiko ye sa ko ra wan sō.

19 Taka koorā kpuro ya diira saa yu na yè sōo Gusunō u koo win bibu terasia.

20 Domi u taka koorā kpɛɛ kam kobun swaa sōo, n ñ mō yen tiin gōru kīrun sō, win kīrun sōna. Adama yīiyō bini bu wāa,

21 ma ba koo ra taka kooran tii yakia saa kam kobun yorun di, kpa yu ka Gusunōn bibun tii mōo yiikogiru bōnu ko.

22 Sa yē ma sere ka tē taka koorā kpuro ya kpasā wōri mōwa ka wuriribu nge marubun wuriribu.

23 Adama n ñ mō taka koorā tōna, bēsen tii bēse be Gusunō u suna bura sanam mē u sun Hunde Dεero kā, sa maa kpasā wōri mō bēsen tii sōo sa n ka mara sere Gusunō ù n bēsen wasi yakia mam mam, u ka sōosi ma sa kua win bibu.

24 Domi faaba ya sāa bēsegia, adama sa gina wāa yen yīiyōbu sōo. Sà n waamō ye sa yīiyō, yīiyōbu kun maa wāa. Ye tōnu waamō u ko n maa ye yīiyō?

25 Adama sà n gāanu yīiyō ni sa ñ waamō, sa ko n nu marawa ka tēmanabu.

26 Nge mēya maa Hunde Dεero u ra sun somi bēsen dam sariru sōo, domi sa ñ yē ye n weene su Gusunō kana. Adama Hunde wi, u ra nùn kanε bēsen sō ka kpasā wōri ye ya ñ ka nōo gerurō.

27 Gusunō wi u ra tōmbun gōrusu tubu, u maa yē ye Hunde wi, u bwisikumō yèn sō ka win kīra Hunde wi, u ra n nùn kanamō naanε dokeobun sō.

28 Domi sa yē ma baayere kpuro sōo ye ya ra tōnu deemε, Gusunō u sōmburu mō u ka bu gea kua be u soka win himba sōo, ma ba nùn kī.

29 Domi be u yē yellun di u maa bu gɔsa u yi bu ka ko win Biin weenasibu, kpa win Bii u ka ko yeruma wɔnɔ dabirugii.

30 Nge mɛya be u gɔsa u yi, u maa bu soka. Be u soka mi, u maa bu gem wɛ. Be u gem wɛ u maa ka bu win yiiko bɔnu kua.

### *Gusunɔn kīrun kpāaru*

31 N n mɛn na, mba sa ko gere ka gari yi. Gusunɔ ù n sãa bɛsɛgii, wara koo ka sun yibɛɛ tɛɛru ko.

32 Gusunɔ wi u kun win tiin Bii tii yiye, adama u nùn wɛ bɛsɛ kpuron sɔ, u ñ koo maa sun kpuro kɛ ka Bii wi sannu kɔsiaru sari?

33 Wara koo tɔmbu durum mani be Gusunɔ u gɔsa. Sari, domi Gusunɔn tiɔwa u ra tɔnu gem wɛ.

34 Wara koo bu taare wɛ. Sari, domi Kirisi Yesu u gu u maa seewa gɔrin di u wãa Gusunɔn nɔm geuɔ. Wiya u ra maa Gusunɔ kanɛ bɛsɛn sɔ.

35 Wara u koo kpī u sun karana ka Kirisin kīru. Tɔya? Wahala? Nɔni swāaru? Gɔru? Tereru? Kari? Takobi?

36 Nge mɛ ba yorua,  
“Wunen sɔna ba sun goomɔ tɔru baatere.

Ba sun mɛera nge yãa ni ba koo saka.”

37 Adama ye kpuro sɔra sa nasara wa mam mam saa win min di wi u sun kīa.

38 Domi na yē kam kam ma gɔɔ ka wãaru ka wɔllun gɔradoba ka wɛrekunu ka saa yeni, ka saa ye ya sisi, ka wɔllun yikogibu,

39 ka ye ya wãa wɔllɔ, ka ye ya wãa tem sɔwɔ, ka taka kooru gaa, yen gaa kun kpɛ yu sun karana ka Gusunɔn kīru te ta sɔsira Yesu Kirisi bɛsɛn Yinni sɔɔ.

## 9

*Gusunɔ ka Isireliba*

<sup>1</sup> Nɛ Kirisigiwi na gem gerumɔ, na n̄ weesu m̄. Nɛn ḡru ga man yen seeda diiyammɛ saa Hunde Dɛɛron min di.

<sup>2</sup> Nɛn bweserun wɔnwɔndu ta man m̄ baadomma. Yen s̄na nɛn ḡru ga sankire gem gem.

<sup>3</sup> N n ko n kooran na, kon daa de bu man b̄rusi kpa bu man karana ka Kirisi ben s̄.

<sup>4</sup> Ba s̄a Isireliba, be Gusunɔ u ḡsa bu ka ko win bibu. Beya u win yiikon girima s̄ɔsi. Beya u ka arukawaniba b̄kua. U bu wooda w̄. Bera u s̄ɔsi mɛ ba koo n̄n s̄asina. U maa bu n̄ɔ mwɛɛnu kua.

<sup>5</sup> Ba s̄a be Gusunɔ u ḡsa yellun di. Ben bweseru s̄ɔn diya Kirisi wi u kpuro kere u yara nge t̄nu. U maa s̄a Gusunɔ wi n weenɛ bu siara ka baadommaɔ. Ami.

<sup>6</sup> Na n̄ gerumɔ ma Gusunɔn gari yi kam w̄ruma. Domi be ba mara Isireliba n̄ n̄ m̄ be kpuro ba s̄a Isireliba Gusunɔn mi.

<sup>7</sup> N n̄ maa m̄ be kpuro be ba marura Aburahamun min di beya ba s̄a win bibu Gusunɔn mi. Domi Gusunɔ u Aburahamu s̄ɔwa u nɛɛ, “Isakin biba ba koo soku wunɛn bweseru.”

<sup>8</sup> Yen tubusiana, n̄ n̄ m̄ be ba mara ka wasin baa beya Gusunɔgibu, adama bii b̄n n̄ɔ mwɛɛru Gusunɔ u kua beya u garisi Aburahamun bweseru.

<sup>9</sup> Gari yi wee, yi Gusunɔ u ka n̄ɔ mwɛɛ te kua. U nɛɛ, “Gasɔkun amadaare kon wurama, yen biru Saaraa koo bii t̄n durɔ ma.”

<sup>10</sup> N n̄ mɛ t̄na, Rebekan bibu yiru ba tundo turo m̄, wiya bɛɛn sikado Isaki.

11-12 Adama Gusunə u ra təmbu ɣəsiwa win himba səə, n n̄ mə ben kookoosun s̄ə, adama ka win sokura. U ka s̄əsi ma u win himba ye swīi, u Rebeka s̄əwa u n̄εε, “Məə u koo win wənə wiru kp̄iia.” U ye gerua Rebeka u sere win bibu mara sanam m̄ε ba n̄ gea n̄ kun m̄ε k̄sa koore.

13 Nge m̄ε ba yorua Gusunən gari səə, “Na Yakəbu k̄ia adama na Esau yina.”

14 N n̄ m̄en na, m̄ba sa ko gere. Gusunə u s̄awa gem sarirugii? Aawo, baa fiiko.

15 Domi u Məwisi s̄əwa u n̄εε, “W̄in wənwəndu na mə, wiya kon wənwəndu kua. Wi na maa ka duure, wiya na kon ka duura.”

16 Nge m̄eya n̄ n̄ s̄aa goon k̄run baa, n̄ n̄ maa goon s̄amburun baa, adama Gusunən wənwəndun baawa.

17 Domi ba yorua ma Gusunə u Egibitin sunə s̄əwa u n̄εε, “Yenin s̄əna na nun seeya, kpa n̄ ka n̄en dam s̄əsi wunε səə, kpa n̄en ȳisuru tu ka n̄əra handunia kpuro səə.”

18 Nge m̄eya wi u k̄i u wənwəndu kua u ra n̄n wənwəndu kue, wi u maa k̄i u ɣ̄oru bəbiasia u ra n̄n ɣ̄oru bəbiasie.

### *Gusunən m̄əru*

#### *ka win wənwəndu*

19 N n̄ m̄en na, kaa man bikia a n̄εε, m̄ban s̄əna u maa taare waamə t̄onu səə. Wara koo kp̄i u win k̄ru yina.

20 Adama wara ra n̄ wunε t̄onu, a sere ka Gusunə sikirina. Məndu ta koo məmə bikia tu n̄εε, m̄ban s̄əna u tu kua m̄ε?

21 Məmə kun dam mə s̄əndun wəllə? Ka sən tee te, u n̄ kp̄ē u tooru ko ka maa weke te ba ra swē?



22 Mba i yē i ko gere Gusunən sō. U kī u win dam ka win m̄aru sōasi. Yen sōna u ka bu temana be ba koo kam ko win m̄arun sō.

23 U kua m̄e u ka sun win yiikon kp̄āaru sōasi, b̄eε be u w̄anw̄andu kua, b̄eε be u s̄aru kua yellun di su ka win yiiko wa,

24 b̄eε be u soka n̄ n̄ m̄o Yuuban suunu s̄on di t̄ona, ka maa t̄an tukobun suunu s̄on di.

25 Yeniwa Gusun̄o u gerua win s̄am̄o Oseen tireru s̄o. U n̄eε,

“T̄on be ba n̄ daa s̄āa n̄egibu,

kon bu soku n̄en t̄ambu.

Bwese te na n̄ daa k̄iε,

kon tu soku n̄en k̄inasiru.

26 Yam mi ba raa maa bu s̄ōwa ba n̄eε,

ba n̄ s̄āa n̄en t̄ambu,

miya ba koo bu soku

Gusun̄o Yinni wason bibu.”

27 Ma Gusunən s̄am̄o Esai u n̄əḡiru sua u gerua Isireliban s̄o u n̄eε, “Baa Isireliba b̄a n̄ d̄abia, nge nim w̄okun yanim, ben sukum t̄anawa koo faaba wa.

28 Domi Gusun̄o koo yande win gere yibia mam mam handunia s̄o ye u raa ḡōru doke.”

29 N s̄āawa nge m̄e Esai u raa gerua u n̄eε,

“Gusun̄o, w̄allu ka tem Yinni ù kun daa sun bwe-seru tie,

sa ko raa kowa nge Sodomu.

Sa ko raa ka Gom̄ara weena.”

### *Isireliba ka Labaari gea*

30 N n̄ m̄en na, mba sa ko gere. T̄on tuko be ba n̄ daa kasu bu gem wa Gusunən mi, ba gem wa naan̄e dokebun saabu.

31 Adama Isireliba be ba kasu bu wooda sw̄i bu ka gem wa Gusunən mi, ba n̄ mu wa.

<sup>32</sup> Mban s̄na. Yèn s̄ ba ñ mu kasu ka naane dokebu, ma n kun m̄ ka s̄ma. Ba sokura kpee sokuratii te s̄,

<sup>33</sup> tèn gari ba yorua ba nee,  
 “N wee, na kpee sokuratiru dokem̄ Sīnī,  
 kpee te ta ra torasie.  
 Adama wi u nùn naane doke u ñ sekuru wasi.”

## 10

<sup>1</sup> Negibu, ye na k̄ ka nen ḡru kpuro ka ye na ra n Gusun̄ kanam̄, yeya nen bweseru tu faaba wa.

<sup>2</sup> Domi na bu seeda yeni diiyamme, ba hania m̄ Gusun̄n s̄, adama ȳru sari.

<sup>3</sup> Ba ñ swaa ȳ ye Gusun̄ u ra ka t̄nu gem w̄, ma ba swaa kasu bu ka ben tiin gem yara. Yen s̄na ba ñ Gusun̄n gem swaa wiru kp̄iȳ.

<sup>4</sup> Domi Kirisiwa s̄a woodan̄ k̄k̄r̄ kpa baawure wi u nùn naane doke u gem wa Gusun̄n mi.

*Faaba s̄a baawuregia*

*wi u Yinni naane doke*

<sup>5</sup> Domi M̄wisi u yorua u nee, “t̄nu wi u gea m̄ ye wooda ya ȳirem̄, gea yen min diya u koo w̄aru wa”.

<sup>6</sup> Adama nge me ba koo t̄nu gem w̄ naane doke-bun s̄, yen gari wee, “A ku gere wunen̄ ḡrū a nee, wara u koo ȳ Gusun̄ w̄ll̄.” Yen tubusiana, u ka Kirisi sarasiana.

<sup>7</sup> A ku maa gere, “Wara u koo du tem s̄w̄.” Yen tubusiana, u ka Kirisi seesia ḡrin di.

<sup>8</sup> Adama mba gari yi, yi gerua. Yi neewa, “Gusun̄n gari yi, yi w̄a wunen̄ turuku, yi mam w̄a wunen̄ n̄w̄ ka wunen̄ ḡrū.” Yi s̄awa naane dokebun gari yi sa waasu m̄, yi yi nee,

9 à n ka wunen nɔɔ wura ma Yesu sãawa Yinni, ma a naane doke wunen gõruɔ ma Gusunɔ u nùn seeya gørin di, kaa faaba wa.

10 Domi gõru sɔɔra tɔnu u ra naane doke, u ka gem wa Gusunɔn mi, nɔɔwa ba ra maa ka seeda di bu ka faaba wa.

11 Nge mɛ ba yorua Gusunɔn gari sɔɔ ba nɛɛ, “Baawure wi u nùn naane doke, u ñ sekuru wasi.”

12 Domi wunanabu sari Yuuba ka tɔn tukobu sɔɔ. Be kpuro Yinni turowa ba mɔ. Win dukia maa sãa be ba nùn sokumɔ kpurogia.

13 Domi ba yorua ba nɛɛ, “Baawure wi u Yinnin yĩsiru soka, u koo faaba wa.”

14 Adama amɔna ba koo ka nùn soku, bà kun nùn naane doke. Amɔna ba koo maa ka naane doke bà kun win gari nɔɔre. Amɔna ba koo maa nɔ goo ù kun gari yi waasu koore.

15 Amɔna ba koo ka gari yi waasu ko goo ù kun bu gøre. Nge mɛ ba yorua, “Anna a ben naarun dobu nɔ be ba Labaari gea kparamɔ.”

16 Adama n ñ be kpuro ba Labaari gea wura, domi Gusunɔn sɔmɔ Esai u nɛɛ, “Yinni, wara u naane doke ye sa nɔɔsia.”

17 Nge mɛya naane dokebu bu wee ye tɔnu nɔɔmɔn di. Ye tɔnu nɔɔmɔ, ya maa sãawa Kirisin gari.

18 Adama na bikiamɔ, ka geema ba ñ nɔɔre ro? Ba nua. Domi ba yorua,

“Nɔɔ ge, ga nɔɔra tem kpuro sɔɔ,

ma gari yi, yi tura sere handunian nɔɔrɔ.”

19 Na bikiamɔ kpam, Isireliba ba ñ yẽ ro? Gbiikaa, Mɔwisi u yorua, ma Gusunɔ u nɛɛ,

“Na kon bεεn nisinu seeya ka bwese te i ñ garisi gãanu.

Kon maa bεεn mǎru seeya ka bwese bwisi sarirugiru.”

<sup>20</sup> Yen biru Esai u yorua ka toro sindu ma Gusunǎ u nεε,

“Be ba ñ man kasu ba man wa.

Na maa bu nen tii sǎsi be ba ñ man bikiamǎ.”

<sup>21</sup> Adama u maa yorua Isireliban sǎ ma Gusunǎ u nεε, “Na tǎn be ba ra n man seesimǎ nǎma gǎri tǎru kpuro.”

## 11

### *Gusunǎ u ñ Isireliba yine*

<sup>1</sup> N n mɛn na, na bikiamǎ, Gusunǎ u win tǎmbu yinawa? Aawo. Su ku wa mε. Domi nen tii na sǎa Isirelin bii, Aburhamun sikadobu Benyamεεn bweseru sǎǎ.

<sup>2</sup> Gusunǎ u ñ win tǎmbu yine be u gia yellun di. Nge i ñ yε ye ba yorua Gusunǎn gari sǎǎ sanam mε Eli u ka Isireliban taarε da Gusunǎn mi? U nεε,

<sup>3</sup> “Yinni, ba wunen sǎmǎbu go ba wunen yǎku yenu surura. Nε turowa na tie, ba maa kasu bu man hunde wuna.”

<sup>4</sup> Adama mba Gusunǎ u wisa. U nεε, “Na nen tii tǎmbu nǎrǎbun suba nǎǎba yiru (7.000) derie, be ba kun yiirare bũu wi ba mǎ Baalin nuurǎ.”

<sup>5</sup> Mεya n maa sǎa saa yeni sǎǎ. Ben sukum wǎa be Gusunǎ u gǎsa win durom sǎ.

<sup>6</sup> U bu gǎsawa durom sǎ, n ñ mǎ ben sǎman sǎ. Ma n kun mε, durom kun maa sǎa durom.

<sup>7</sup> N n mɛn na, mba sa ko gere. Isireliba wee, ba ñ wa ye ba kasu. Ben be Gusunǎ u gǎsa, beya ba wa. Be ba tie ba gǎru bǎbia.

<sup>8</sup> Nge me ba yorua, “Gusunɔ u ben laakari sikarisia. U bu nɔni wɛ yi ba n̄ kpɛ bu ka yam wa. U maa bu swasu wɛ si ba n̄ kpɛ bu ka gari nɔ sere ka gisɔ.”

<sup>9</sup> Ma Dafidi u nɛɛ,

“Kpa ben tɔɔ baka dim mu de bu tora

kpa bu yina mwaara,

kpa bu seeyasiabu wa bi bu ka bu dende.

<sup>10</sup> A de ben nɔni yi wukiri bu ku ka wa.

Kpa a de ba n bu taare ka baadommaɔ.”

<sup>11</sup> Yen sɔna na bikiamɔ, sanam me Isireliba ba sokura, ba wɔrumawa mam mam? Su ku wa me. Ben torarun saabuwa tɔn tukobu ba faaba wa, kpa ben nisinu nu ka se.

<sup>12</sup> Tɛ Isireliban toraru tɔ n ka handuniagibu hunden dukia naawa, ben kaarabu bɔ n maa tɔn tukobu kua gɔa mɔwɔbu, anna yen domarun kpɔaru ta ko n nɛ bɔ n wura nge me ba raa sɔa.

### *Tɔn tukobun faaba*

<sup>13</sup> Na ka bɛɛ gari mɔ, bɛɛ tɔn tukobu. Nɛ wi na sɔa goro tɔn tukobun mi, na nen sɔmburu bɛɛɛ wɛɛmɔ

<sup>14</sup> n ka nisinu seeya n̄ n koo koorɔ nen bweserun suunu sɔɔ kpa n ben gabu faaba ko.

<sup>15</sup> Geema sanam me Gusunɔ u bu deri ya dera u ka handuniagibu nɔɔ tia kua. Tɛ, mba n ko n sɔa ù n wure u kpam bu mwa. N n̄ wɔaru gɔribun sɔ?

<sup>16</sup> I yɛ ma bɔ n pɛɛ kuse teeru Gusunɔ wɛ, pɛɛ ye ya tie ya kua Gusunɔgia. Dɔrun gbina yɔ n sɔa Gusunɔgia, meya maa ka ten kɔasiɔ.

<sup>17</sup> Adama bɔ n kɔasi gɛɛ bɔɔra olifin dɔa gbaarugirun di, ma ba wunɛ wi a sɔa yakasun

dārun kāasa gerɛfe kua yin ayerɔ, ma a ka olifin dāa ten gbinan dam bɔnu mɔ,

<sup>18</sup> a ku kāasi yi woo kanɛ. À n woo kanamɔ, a yaayo ma n ò wunɛ a gbina sɔwɔ, gbina ya nun sɔwɔ.

<sup>19</sup> Kaa nɛɛ, ba kāasi yi bɔɔrawa bu ka nun gerɛfe ko.

<sup>20</sup> Geema, ba yi bɔɔra naanɛ dokebu sarirun sɔ, ma a yɔ naanɛ dokebun sɔ. A ku woo kana, adama a bɛrum koowo.

<sup>21</sup> Gusunɔ ù kun kāasi gbiikii deri, wuna u koo sere deri?

<sup>22</sup> N n mɛn na, a Gusunɔn tɔn geeru ka maa win sɛsɔ mɛrio. U sɛ ka be ba wɔruma, adama u sãa tɔn geo wunen mi, à n gesi yɔ dim dim win tɔn geeru sɔ. Ma n kun mɛ, ba koo maa wunen tii bura.

<sup>23</sup> Be maa, bà n ben naanɛ dokebu sariru deri, ba koo bu gerɛfe ko mi ba raa wãa domi Gusunɔ u koo kpĩ u kpam bu gerɛfe ko.

<sup>24</sup> Bà n nun bura saa olifin dāa yakasugirun di, ma ba nun gerɛfe kua ka olifin dāa gbaarugiru, ye n kun ka nun weenɛ, ò n mɛn na, n ò sɛ bu ka kāasi yi gerɛfe ko yin tiin dāru sɔ.

### *Isireliba ba koo faaba wa*

<sup>25</sup> Nɛgibu, asiri gaa wãa ye na kĩ i n yɛ, kpa i ku ka tii garisi bwisigibu. Asiri ye wee. Isireliba gabu ba gina gɔrusu bɔbia sere tɔn tukobun geeru tu ka yibu faaba sɔ.

<sup>26</sup> Nge mɛya Isireliba kpuro ba koo faaba wa, nge mɛ ba yorua,

“Yakio u koo na saa Siɔnin di.

Kpa u Gusunɔn bɛɛɛ yɛru sariru wuna saa Yakɔbun bweserun di.

27 Yeniwa arukawani ye kon ka bu bōke sanam me kon ben toraru wuna.”

28 Sà n Labaari gean gari laakari kua, ba sãa Gusunon yiberēba beēn sō. Adama sà n Gusunon gōsiru laakari kua, ba sãa win kīnasibu ben sikadoban sō.

29 Domi Gusunō ù n tōnu soka, u nùn sokawa. U n nùn kēru wē, u nùn wēwa. U ku ra gōru gōsie.

30 Nge me beē, i n daa Gusunō mem nōwē, adama tē ba beē wānwāndu kua ben mem nōabu sarirun sō.

31 Nge meya maa ben tii, ba n mem nōomō tē, kpa bu ka wānwāndu wa nge me beē i wānwāndu wa.

32 Domi Gusunō u tōmbu kpuro kenisi mem nōabu sariru sō, kpa u ka be kpuro wānwāndu kua.

### *Gusunon kpāaru*

33 Anna a Gusunon dukia ka win bwisi ka win yērun dukum wa! Goo kun kpē u win himba tubu. Goo kun maa kpē u win swēē gia.

34 Ka geema ba yorua,  
“Wara u Yinnin bwisikunu yē.

Wara u nùn bwisi kēere.

35 Wara u gbīa u nùn gāanu kēere,  
u n ka sere nin kāsire yīiyō.”

36 Domi wiya kpuron wiru, win min diya kpuro naamō, ma kpuro wāa win sō. Wigia yiiko sere ka baadommaō. Ami.

## 12

### *Wāa kpa*

#### *te ta Gusunon wāaru wāa*

1 Yen sō, negibu na beē kanamō wānwān te Gusunō u beē kuan saabu, i beēn wasi nùn yīiyō nge

yāku wasiru te ta kun serere gaa mə, te ta koo nùn wēre. Yeya ya sāa bēen sāa geeru.

<sup>2</sup> I ku maa ka tēn tambu weena, adama i kōsio ka bwisiku kpaanu kpa i ka wunana ye n sāa Gusunōn kīru. Yeya ya gea sāa, ya maa wā, ma ya yiba.

<sup>3</sup> Durom mēn saabu mē ba man wē na bēen baawure sōmō, u ku tii garisī n kere nge mē n weenε u tii garisī, adama bēen baawure u tii garisio dee dee nge mē Gusunō u nùn naanε dokebu kā bu nε.

<sup>4</sup> Domi wasi tee yi doo dooka dabinu mə, ma yen baayere ya yen sōmburu mə nennεnka.

<sup>5</sup> Nge mēya, baa sà n dabi, sa sāa wasi tee Kiriisi sō, ma sa gbinnε nge wasi teen doo dooka.

<sup>6</sup> Sa kēε nennεnka mə ni nu weenε su dendi nge mē Gusunō u sun kā win durom sō. N n Gusunōn gari gerubun kērun na, su ka tu dendi nge mē bēen naanε dokebu nε.

<sup>7</sup> N n nōribun na, su ko ka nuku tia. Wi u sāa sōsio, u win sōsibu yibio.

<sup>8</sup> Wi u tambu dam kēmō, u ku wēra. Wi u kēnu wēemō, u wēeyō ka gōru tia. Wirugii u win sōmburu ko ka hania. Wi u wōnwōndu mō, u koowo ka nuku dobu.

<sup>9</sup> I ku de bēen kīru ta n murafitiru mə. I kōsa dēsirario, kpa i gea mani dim dim.

<sup>10</sup> I n kīanε nge wōnō ka mō. I n kookari mō i ka bēere wēena.

<sup>11</sup> I ku de bēen hania yu kaara. I n Yinni sāmō ka kīru.

<sup>12</sup> I yēerio bēen yīiyōbun sō. I tēmanō nōni swāaru sō. I ku wasira ka kanaru.

<sup>13</sup> I naanε dokeobu wēeyō yèn bukata ba mə. I n da sōbu yaarε ko.



14 I bu domaru kuo be ba bεε nɔni sɔɔmɔ. I ku bu bɔrusi.

15 I ka bu nuku dobu koowo be ba nuku dobu mɔ, kpa i ka bu swĩ be ba sumɔ.

16 I n wãa nɔɔ tia sɔɔ sannu. I ku de tii suabun bwisikunu nu n bεε wãasi adama i koosio tii kawabun bera gia. I ku tii garisi bwisigibu.

17 I ku goo kɔsa kɔsie. I gea kasuo tɔmbu kpuron nɔni sɔɔ.

18 N n koo koorɔ, i de i n nɔɔ nε ka tɔnu baawure nge mɛn nɔru i ko kpĩ.

19 Kĩnasibu, i ku maa mɔru kɔsia bεen tii, adama i de Gusunɔ u bεε mɔru kɔsia, domi ba yorua, Gusunɔ u nεε, “Wiya u koo bu mɔru kɔsie. Kpa u bu sεεyasia.”

20 Ba maa yorua, “Gɔɔru tà n wunɛn yiberε mɔ, a nùn dĩanu kēeyɔ u di. Nim nɔru gà n nùn mɔ, a nùn nim kēeyɔ u nɔ. Domi à n kua mε, a nùn dɔɔ sɔbiwa mi.”

21 A ku de kɔsa yu nun kamia, adama a kɔsa kamio ka gean kobu.

## 13

### *Bεεn wii kpĩibu*

#### *tem yērobun mi*

1 Kpa baawure u n tem yērobu wiru kpĩiye domi tem yēro sari wi u kun wãa ka Gusunɔn yēru. Tem yēro be ba maa wãa, Gusunɔwa u bu kua.

2 Yen sɔna, wi u tem yēron gari yina, u yinawa ye Gusunɔ u yiire. Be ba maa yinamɔ, ba ben tii taare kasuammewa.

3 Domi tɔnu ù n gea mɔ, u ñ ko n tem yēron berum mɔ, ma n kun mɔ ù n kɔsa mɔ. À kun kĩ a n tem

yēron berum mə, a gea koowo, kaa win nōnu geu wa.

<sup>4</sup> Tem yēro u Gusunən səmburu məwa wunen gean sō. Adama à n kōsa mō, a berum koowo yèn sō u n takobi neni kam. U sāawa Gusunən səm kowo u ka be ba kōsa mō mōru kōsie.

<sup>5</sup> Yen sōna tilasi tōnu u wiru kpī, n n̄ mə sēyasiabu tōnan sō, adama yèn sō win gōru ga koo nùn taare wē.

<sup>6</sup> Yen sōna i maa wōo gobi kōsiamō. Domi be ba tem neni, Gusunən səm kowoba ba sāa ba maa tu tii wē mam mam.

<sup>7</sup> I baawure kōsio ye n ka nùn weenε. I bu wōo gobi kōsio be n weenε i kōsia. I bu gbererun gobi kōsio be n weenε i kōsia. I bu nasiō be n weenε i nasia. I bu bεεre wēεyō be n weenε i bεεre wē.

### *A wunen tōnusi kīo*

<sup>8</sup> I kun goon dibu neni ma n kun mə i n kīane, domi wi u win tōnusi kī u wooda yibiawa.

<sup>9</sup> Domi wooda yeniba be ba nεε, “I ku ra sakararu ko, i ku ra tōnu go, i ku ra gbēni, i ku ra binε ko,” ka wooda kpuro ye ya tie, ya wāa gari yini sōo mi ba nεε, “A wunen tōnusi kīo nge wunen tii tii.”

<sup>10</sup> Kīru ta ku ra de goo u win tōnusi kōsa kue. Yen sōna kīru ta wooda yibiamō.

### *Sa n Kirisin naaru mara*

<sup>11</sup> N weenε i ko mε yèn sō i yē saa yè sōo sa wāa mini. N den tura i yanda, domi besen faaba ya turuku sāa tē, n kere dōma te sa gbia sa naanε doke.

<sup>12</sup> Wōkura tonda, yam sārera turuku kua. Yen sō, su wōkurun kookoosu deri kpa su yam bururam tabu yānu sebe.

13 Su sī dee dee nge mε ba ra sī sō sō, sa kun akanu mō dibu ka n̄rubu sō, sa kun kurō damaru ka bine baka mō, kpa su ku nō ḡmunu ka nisinu ko.

14 Adama i Yinni Yesu Kirisin daa sebuo, kpa i ku b̄en tiin daan bwisikunu ko i ka yen bine wuna.

## 14

### *A ku wunen naane dokeosi siri*

1 I de u du b̄ε sō wi u kun dam mō naane dokebu sō. I ku win bwisikunu sikirinε.

2 Wini ȳiyō ma u koo kp̄i u kpuro di. Wiōnō wi u kun dam mō naane dokebu sō, u ku ra yaa tem.

3 Wi u dimō u ku wi u kun dimō ḡm, kpa wi u kun dimō u ku wi u dimō taare w̄ε, domi Gusunō u ȳero wura.

4 Wara wunε a ka goon s̄m kowo taare w̄εmō. U n yō nge ù n w̄aruma, win yinnin gariya. Adama u koo yōra domi Yinni u dam mō u ka n̄n yōrasia.

5 Wini u tō teeru garisi n kere ni nu tie, wiōnō u ni kpuro garisi nu nε. I de baawure u n ȳε kam kam ye u mō.

6 Wi u tōru lasabu mō u tu lasabu mō Yinnin sō. Wi u dimō, Yinnin sōna u dimō, ȳen sō u Gusunō siaramō. Wi u kun maa dimō, Yinnin sōna u ñ dimō, u maa Gusunō siaramō.

7 Geema, sari b̄εε sō wi u wāa win tiin sō, goo maa sari wi u gbimō win tiin sō. Domi s̄a n wāa sa wāawa Yinnin sō.

8 S̄a n maa gu, sa guwa Yinnin sō. N n m̄en na, s̄a n wasi, ñ kun mε s̄a n gu, sa s̄awa Yinnigibu.

9 Domi Kirisi u gu ma u seewa ḡrin di u ka ko ḡribu ka wasobun Yinni.

10 N n men na wunε, mban sōna a wunen wōnō taare wēemō. Wunε maa, mban sōna a wunen mōō gemmō. Beεε kpurowa sa ko yōra Gusunōn siri yerō.

11 Domi ba yoruα,  
 “Yinni Gusunō u neε, sere ka nen wāaru,  
 dūuru baatere ta koo yiira nen wuswaaō.  
 Nōō baagere ga koo maa man beεεε wē.”

12 Nge meya beεen baawure u koo wigia gere Gusunōn wuswaaō.

### *A ku wunen naane dokeosi*

#### *torasia*

13 Yen sō, su ku maa sirina, adama i bwisikuo nge me i ko ko, kpa i ku gāanu ko ni nu koo beεgii torasia, n̄ kun me ni nu koo n̄n sura.

14 Na yē kam kam saa Yinni Yesun min di ma gāanu sari ni nu kun dεere nin tii, adama goo ù n gāanu garisi nge ni nu kun dεere, yēro sōra nu n̄ dεere.

15 À n gāanu di, ma ya wunεgii bwisikunu kpēε, a n̄ maa sīimō kīru sōō. A ku de dīa ni a dimō nu tōnu kam koosia w̄n sō Kirisi u gu.

16 Ye ya sāa bura beε sōō, i ku de bu yen kōsa gere.

17 Domi Gusunōn bandu ta n̄ sāa dim ka n̄arubu ma n̄ kun mō gem ka b̄ri yendu ka nuku dobu saa Hunde Dεeron min di.

18 Wi u Kirisin wāaru wāa nge me, u koo Gusunō wēre, tōmba koo maa n̄n siara.

19 Yen sō, su kasu ye n̄ ka alafia naamō ka ye sa ko ka tāsisiāna.

20 A ku Gusunōn sōmburu kpeerasia dīanun sō. Geema, kpuro n̄ dεere, adama n̄ n̄ wā tōnu u gāanu di ni nu koo de goo u tora.

<sup>21</sup> N wã a ku yaa tem kpa a ku tam nɔ, kpa a ku gãanu ko ni nu koo kpĩ nu wunegii torasia.

<sup>22</sup> Ye a naane doke, a ye nenuɔ wunen tiin sã Gusunɔn wuswaaɔ. Doo nɔrugiiwa wi u n̄ tii taare wɛemɔ ye u bwisika u ko sɔɔ.

<sup>23</sup> Adama wi u sika m̄ ye u dimɔn sã, u taare mɔ, yèn sã u n̄ dimɔ ka naane. Kpuro ye tɔnu maa m̄ naane sariru sɔɔ, torara.

## 15

### *A koowo ye n koo gabu dore*

<sup>1</sup> Tẽ bese be sa dam mɔ, n weene su be ba kun dam mɔn dam sariru sɔbe, kpa su ku gɔsi ye n ko n sun dore bese tɔna.

<sup>2</sup> Besen baawure u de u ko ye n koo win beruse dore, ye n koo maa n̄n gea kua, kpa u ka tãsi.

<sup>3</sup> Domi baa Kirisin tii u n̄ gɔsa ye n da n̄n dore, adama nge me ba yorua, u Gusunɔ sɔɔwa u nee, “Be ba nun wammɔ, ben wama wari ne sɔɔ.”

<sup>4</sup> Kpuro ye ba yorua yellu, ba yoruawa bu ka sun bwisi kɛ, kpa sa n ka yiyɔbu mɔ saa Gusunɔn garin di yi yi sun temanabu ka dam kɛmɔ.

<sup>5</sup> Gusunɔ wi u temanabu ka dam kɛnu wɛemɔ, u de i n nɔ ne been tii tiine sɔɔ nge me i wa Kirisi u kua.

<sup>6</sup> Kpa bee kpuro i nɔ tia ko i ka n̄n beere wɛ sannu sannu wi u sãa besen Yinni Yesu Kirisin Baaba, ka maa win Yinni.

### *Labaari gea*

### *bwesenu kpuron sã*

<sup>7</sup> Yen sã, i n wuranamɔ nge me Kirisi u bee wura kpa i ka Gusunɔ beere wɛ.

<sup>8</sup> Na bεε sōmō ma Kirisi u kua Yuuban sōm kowo u ka nō mweenu yibia ni ba baababa kua, kpa u sōsi ma Gusunō u sāa gemgii.

<sup>9</sup> Kpa tōn tukobu bu nūn bεεε wē win wōnwōndun sō nge mε win gari gerua yi nεε,  
 “Yen sōna, kon nun siara bwesenun suunu sō.  
 Kpa n womu ko n ka wunen yīsiru bεεε wē.”

<sup>10</sup> Yi kram nεε,

“Bεε tōn tukobu,  
 i nuku dobu koowo ka win tōmbu sannu.”

<sup>11</sup> Ma yi maa nεε,

“Bεε bwesenu kpuro,  
 i Yinni Gusunō siaro.  
 Bεε handuniagibu kpuro,  
 i nūn bεεε wēεyō.”

<sup>12</sup> Gusunōn sōmō Esai maa nεε,

“Isain bweserun di,  
 goo u koo se nge dāa kpīi pōtura.

Kpa u ko tōn tukobun sunō.

Kpa ba n yīiyōbu mō wi sō.”

<sup>13</sup> Kpa Gusunō wi u sun yīiyōbu wēεmō u bεε nuku dobu kpuro ka bōri yendu kpuro yibia bεen naane dokebun sō kpa i n yīiyōbu mō n bande saa Hunde Dεeron dam di.

### *Pōlu u yorua ka toro sindu*

<sup>14</sup> Nεgibu, n n bεen sōn na, na yē kam kam nen tii ma i tōn geeru ka yēru mō ta kpā, i ko maa kpīi bwisi kēεna.

<sup>15</sup> Ka mε, ka toro sinda na bεε tire ten gam ka gam yorua, n ka bεε gari yaayasia durom saabu mε Gusunō u man kua

<sup>16</sup> na ka sāa Kirisi Yesun sōm kowo tōn tukobun sō. Na Gusunōn Labaari gean waasu mō nge yāku

kowo, kpa tɔn tukobu ba n ka sãa yãku te ta koo nùn wěre, te Hunde Dεero u dεerasia u yi.

17 Yen sō, nge mε na gbinne ka Yesu Kirisi, n ka man nε n tii siara nen sɔmburun sō te na Gusunɔ kuammε.

18 Domi na n kãkɔ n gãanun gari gere ma n kun mɔ ye Kirisi u kua nen gari gerubu ka nen kookoosun di tɔn tukobu bu ka Gusunɔ mem nɔɔwa.

19 U ye kua ka yĩrenu ka sɔm maamaakiginun dam saa Hunde Dεeron dam di. Nge mεya saa Yerusalemun di sere n ka da Iliri gia, na Kirisin Labaari gean waasu kua na ka sikerena.

20 Ma na kookari kua n ka Labaari gea nɔɔsia mi ba n daa Kirisin yĩsiru sokure, kpa n ku ka bani gabun kpεεkpεεku wɔllɔ.

21 Adama nge mε ba yorua,  
 “Bèn mi ba n daa win gari gerure,  
 ba koo yam wa.  
 Be ba kun daa maa win baaru nɔɔre,  
 n ko n bu yeeri.”

### *Pɔlu u Romu daarun gari mɔ*

22 Yeya ya man nɔn dabinu yinari na n ka nε bεen mi.

23 Adama tẽ na n maa ayeru mɔ tem m̀i sɔɔ n ka waasu ko, na maa kĩ n na bεen mi saa wɔɔ dabinun di

24 nà n dɔɔ Esipani gia. Nà n sarɔ na yĩiyɔ kon bεε wa kpa n sɔɔ mεeru ko bεen mi. Yen biru kpa i man nɔma kẽ n ka da tem mi.

25 Tẽ na dɔɔ Yerusalemuɔ n ka naane dokeobu nɔɔri.

<sup>26</sup> Domi Masedonigibu ka Gerekiba ba gobi sɔkua ka kīru, s̄arobun s̄o be ba w̄aa naanɛ dokeobun suunu s̄oɔ Yerusalemuɔ.

<sup>27</sup> Ba kua ka kīru, ya maa s̄aa ben dibu. Domi Yuuba b̄a n ben hunden dukia b̄onu kua ka t̄on tukobu, n weenɛ t̄on tukobun tii bu maa be n̄oɔri ka ben handunian dukia.

<sup>28</sup> N̄a n yeni kpa, n̄a n bu w̄ɛ ye ba sɔkua, kon na b̄een mi na n ka sar̄o Esipani gia.

<sup>29</sup> Na ȳɛ ma n̄a n na b̄een mi, ka Kirisin doma bakara kon ka na.

<sup>30</sup> N̄egibu, na b̄ee hania koosiam̄o b̄een Yinni Yesu Kirisin s̄o ka Hunde D̄eron kīrun s̄o, i n ka man tabu m̄o ka kanaru.

<sup>31</sup> I Gusun̄o kan̄o u man w̄ora s̄aa naanɛ doke sarirugibun n̄oman di be ba w̄aa Yudeaɔ, kpa naanɛ dokeobu bu k̄ɛɛ te mwa ka nuku dobu te na ka d̄oɔ Yerusalemuɔ.

<sup>32</sup> Nge m̄eya na kon turi b̄een mi ka nuku dobu ȳa n s̄aa Gusun̄on kīru, kpa n w̄ɛra fiiko b̄een suunu s̄oɔ.

<sup>33</sup> Gusun̄o wi u alafia w̄ɛm̄o, u n ka b̄ee kpuro w̄aa. Ami.

## 16

### *P̄olu u t̄ambu t̄abirim̄o*

<sup>1</sup> Na b̄ee b̄esegii F̄ebe tusiam̄o wi u s̄aa Sankeren Yesun yigberugibun s̄om kowo.

<sup>2</sup> I kur̄o wi m̄oɔ Yinnin ȳisirun s̄o nge m̄e n weenɛ naanɛ dokeobun suunu s̄oɔ. Kpa i n n̄un somim̄o ka bukata kpuro ye u m̄o b̄een mi. Domi u t̄on dabiru somi, ka maa n̄en tii.

<sup>3</sup> I Pirisila ka Akilasi t̄abiri, be ba s̄aa n̄en s̄om kowosibu Yesu Kirisi s̄oɔ.



<sup>4</sup> Ba ben wāaru wē bu ka nen wāaru wōra. N n̄ ne turo na bu siaramō, ka maa t̄n tuko Yesun yigb̄enugibu kpurowa ba bu siaramō.

<sup>5</sup> I maa Yesun yigberu te ta ra m̄n̄n̄e ben yenuō t̄biri. I nen k̄n̄asi Epan̄eti t̄biri wi u gb̄ia u ḡru ḡsia Kirisin mi Asin tem s̄ō.

<sup>6</sup> I Maari t̄biri wi u s̄mburu kua gem gem b̄en s̄ō.

<sup>7</sup> I maa nen temgibu Andoniku ka Yunia t̄biri ka be sa piris̄m kua sannu. Ba b̄ere baka m̄o ḡrobun suunu s̄ō. Ba mam gb̄ia ba kua Yesugibu na sere kua Yesugii.

<sup>8</sup> I Ampilatu t̄biri wi u s̄a nen k̄n̄asi Yinni s̄ō.

<sup>9</sup> I b̄esen s̄m kowosi Kirisi s̄ō Urub̄eni t̄biri, ka Sataki nen k̄n̄asi.

<sup>10</sup> I Apelesi t̄biri wi u tii s̄ōsi naan̄e dokeo geo laakari m̄eribun saa s̄ō. I Aritobun ȳenugibu t̄biri.

<sup>11</sup> I nen temgii Herodio t̄biri. I Naasisin ȳenugibu t̄biri be ba s̄a Yinnigibu.

<sup>12</sup> I Tirifeni ka Tirifosi t̄biri, kur̄o be ba s̄a Yinnin s̄m kowobu. I P̄esidi b̄esen k̄n̄asi t̄biri wi u s̄mburu kua gem gem Yinnin s̄ō.

<sup>13</sup> I maa Rufusi t̄biri wi u s̄a naan̄e dokeo geo, ka win m̄ero wi na garisi nen m̄ero.

<sup>14</sup> I Asenkiti t̄biri ka Felegoni, ka Herimesi ka Patobasi, ka Herimasi ka b̄esegibu be ba w̄a ka be.

<sup>15</sup> I Filol̄ogu ka Yuli t̄biri ka N̄ere, ka win sesu, ka Olimpa, ka naan̄e dokeobu kpuro be ba ka bu w̄a.

<sup>16</sup> I t̄birin̄o ka k̄ru. Kirisin yigb̄enu kpuro nu b̄e t̄bura.

*Kir̄o d̄aaka*

<sup>17</sup> Negibu, na b̄e kanam̄o i n da n tii s̄e ka be ba karanaa dokem̄o, ka ye n koo b̄e w̄rumasia. I

dɛsɪro ben min di, domi ba s̄ɔsɪru sikimɔwɔ te i nuɔ kɔ.

<sup>18</sup> Domi tɔn ben bweseru ba ñ s̄ɔa be ba Kirisi bɛsɛn Yinnin w̄ɔaru w̄ɔa, ben nukurugia ba m̄ɔ. Ka gari dori ka kɔkiriba, ba ka taki sarirugibu swaa nim wiamɔ.

<sup>19</sup> N n bɛɛn s̄ɔn na, tɔmbu kpuro ba bɛɛn mɛm nɔɔbu yɛ kɔ. Yen s̄ɔna nɛn nukura do ka bɛɛ. Adama na k̄i i n s̄ɔa bwisigibu gean kobu sɔɔ, kpa i n s̄ɔa be ba kun k̄ɔsan kobu yɛ.

<sup>20</sup> Gusunɔ wi u alafia wɛɛmɔ, u koo bɛɛ Setam dam kɔra ñ n sosi bɛɛn naasun temɔ.

Bɛsɛn Yinni Yesun durom mu n w̄ɔa ka bɛɛ.

<sup>21</sup> Timɔte, nɛn sɔm kowosi, u bɛɛ tɔbura, ka maa nɛn temgibu Lusiu ka Yasoni, ka Sosipati.

<sup>22</sup> Na bɛɛ tɔbura Yinni sɔɔ, nɛ Teritiu, nɛ wi na tire te yorunɔ.

<sup>23</sup> Gayusi nɛn kpaa yɛro ka yigberu kpuron kpaa yɛro, u bɛɛ tɔbura. Erasutu wi u ra wuun gobi bere, u bɛɛ tɔbura, ka maa bɛsɛgii Kaatusi.

[  
<sup>24</sup> Kpa bɛsɛn Yinni Yesu Kirisin durom mu n w̄ɔa ka bɛɛ kpuro. Ami.]

### *Sɪara d̄ɔakibu*

<sup>25</sup> Su Gusunɔ sɪara wi u dam mɔ u ka bɛɛ t̄ɔsɪsɪɔ ka nɛn Labaari gea ye na waasu m̄ɔ na ka Yesu Kirisin gari kparamɔ, yi yi asiri s̄ɔɔsimɔ ye ya raa wukiri saa toren di.

<sup>26</sup> Adama tɛ ya tera saa Gusunɔn sɔmɔbun yorin di, nge mɛ Gusunɔ u yiire, wi, wi u ko n w̄ɔa sere ka baadommas. Ma ba bwesenu kpuro ye giasia nu ka naanɛ doke kpa nu ka gari yi mɛm nɔɔwa.

27 Yen sã, bu Gusunɔ wi u sãa bwisigii wi turo, bæεε wẽεyɔ saa Yesu Kirisin min di sere ka baadommaɔ. Ami.

**Bibeli Gusunɔn Gari**  
**The Holy Bible in the Baatonum language of Benin,**  
**also called the Bariba language**

copyright © 2013 SIM

Language: Bariba (Baatonum)

Translation by: SIM International

**Bariba, Bibeli Gusunɔn Gari**

This translation, published by the UEEB/SIM au Benin, was published in 1996.

If you are interested in obtaining a printed copy, please contact the SIM at SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 18 Apr 2025 from source files  
dated 29 Jan 2022  
00601790-b883-5da1-83f2-d05a7fa289a8